



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Magni Servi Dei P. Julii Mancinelli Societatis Jesu

Cellesi, Jacopo

Oeniponti, 1677

Devoto Lectori.

urn:nbn:de:hbz:466:1-42734



DEVOTO LECTORI.

Multi, qui vitas Sanctorum condidere, accusarunt eorum, qui unâ cum illis vixere, socordiam, & incuriam in observandis & annotandis eorum illustrioribus, dignisque memoriâ actibus, qui propterea dilapsi cum non modico posterorum dispendio interciderunt. In conscribendâ hujus magni Servi Dei vitâ ego sanè conqueri minimè possum; quidquid enim in ea percensebo, fideliter ex ipso Patre Julio mutuatus sum, quo teste fidiorem, vel scientiorem, ac veriosem desiderare non possum. Habeo ego penes me rerum ab ipso gestarum & perpeffarum apparatus, quem ipsemet & conscripsit, & ego agnovi ejus manum & characterem, fide juratâ & publicâ nobilis cujusdam & oculati testis assertum. Extant præterea plurimæ ab ipso exaratæ literæ, & multæ aliæ, quas nostri Patres, qui cum ipso vivebant, perscripserunt. Insuper varia Diaria de rebus, quæ ipsi quotidie contigerunt, bonam partem quidem alienâ concinnata manu, recognita tamen, & propriâ correctâ manu. Denique & articuli Neapoli in causa Processûs de integritate Vitæ, Sanctitate, Virtute, miraculis Servi Dei in ordine ad Canonizationem, prout illic dicitur, à Dominis Tiberio Caraffa principe de Bisignano, & Domino Alexandro Miroballo Marchione de Braciliano ad hoc in publica forma nomine Civitatum Neapolis, Capuæ, Palermi deputatis Procuratoribus. Ex hujusmodi Scripturis non solum ejus Nobiliores, sed & minutissimas quasque actiones potui ego securè ob oculos ponere, ut ad eò Lector meus in hac vita non secus certus esse possit de iis, quæ in eadem legentur, ac si iis gerendis coram adfuisset, ac vidisset Patrem Julium viventem, ac singula patrantem, id quod in vitis Apostolorum desiderabat aureum os Constantinopolitanus Præsul; non possum tamen infitias ire, ejus modestiam, ac submissionis studium, dum vanitatis metu, à qua
sancti

sancti viri mirum quantum abhorrent, nonnulla adjuncta tacet, quæ ejus actiones, resque multò illustriores redderent, in denaranda vita mihi non parùm molestiæ facessivisse, ac perdoluisse, quòd servum Dei in vita non cognoverim, nec cum eo egerim priùs, quàm decederet. Neque verò est, cur quisquam miretur, ipsum proprias suas actiones & virtutes scripsisse; in hoc namque præter exemplum Sanctorum, & Sanctarum, qui proprias suas vi- ras ad Gloriam Dei elucubraverunt, non est aliam secutus legem & impulsus, quàm ordinem sanctæ Obedientiæ, à qua compulsus, eo in negotio, prout ipse testatur, expertus est, & persensit illum ruborem, erubescerentiam, nec non & repugnantiam, quam experiretur, si oporteret se numerofo coram populo nudum, investemq; ostendere. Hoc quidem liberè ac candidè fatetur, ad veritatem à se scriptorum quod attinet, promptum se paratumq; esse ad omnia confirmanda juramentum præstare. Atque hinc est, quòd ipsemet efflictim orat, quisquis aliquando describeret, in compendium redigeret, recense- ret res ab eo scriptas, uti verbis quasi iisdem id facere ne gravetur, quò nec latum, ut ajunt, unguem discedatur à vero. Id quod equi- dem sic exequi studebo, ut, procul omni tædio, quòd subire forsan in ea legenda oporteret, quam ipse scripsit, ubi videri posset vel nimis diffusa, vel parùm ordinata, vel justo simplicior, quoad ejus fieri po- tuit, illius me verbis astringam, absq; ulla tamen elegantius loquendi, prout hodie fert mos, vel arte vel studio, à me quidem ignoratis, & ubi, qui videri volunt sapere, sapiunt minùs. Menda in hac impres- sione, quæ forsan irreperunt, Lector ipse pro sua prudentia facile corriget. Ita confido, vos, dum hanc vitam legendam in manus su- metis, ea cogitatione & mentis judicio ad id faciendum accessuros, ut persuasum habeatis, vos magni Servi Dei vitam lecturos, quam ipse scripserit, & non alius quidam imperfectus auctor, qualis ego sum; Ità legetis majori cum sapore & gustu eum collecturi fructum, quem ego desidero. Hæc eadem verba ad mensa pro se interpres ex animo cupit.

JOAN.